

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

1. प्रधानमंत्री नरेंद्र मोदी हुंदे कटड़ा दौरें दे मद्देनजर उपराज्यपाल होरें बैठक लाइयै तैयारिएं दा जायजा लैता।
2. उपमुख्यमंत्री होरें नमीं दिल्ली च Resident Commission च विकास कम्मै दा जायजा लैता। कम्मै गी समें सिर पूरा करने पर जोर पाया। उनें उत्थुआं दे लोकें गी जम्मू-कश्मीर दे संदेशवाहक दे तौर पर कम्म करने लेई आखेआ।
3. राजौरी जिले नै जल संचय जन भागीदारी अभियान तेहत पूर्वोत्तर ते पहाड़ी जिले दी श्रेणी च दुई थाहर हासल कीती।
4. भद्रवाह सांस्कृतिक संध्या दा सरिस्ता अज्ज डोडा च कीता जाग। एहदे च संगीत विरासत दे अलावा उत्सव आहला जोश दिक्खने गी लब्बोग।
5. रायल चैलेंजर्स बेंगलुरु नै पंजाब किंग्स गी फाइनल मुकाबले च 6 रन्जें कन्नै हराइयै आईपीएल खिताब जिती लैता ऐ।

<><><><><><>

LG-Preparatory-Meeting

प्रधानमंत्री नरेंद्र मोदी हुंदे आसेआ चनाब दरेआ पर बने दे दुनिया दे उच्चे रेलवे पुल दे उद्घाटन ते वंदे भारत रेलवे सेवा दी शुरुआत करने जेड़ी कश्मीर गी कन्याकुमारी कन्नै जोड़ग, दे मद्देनजर उपराज्यपाल मनोज सिन्हा हों कल इक बैठक लाई। इस दौरान इंतजामें दा व्यापक जायजा लैता गेआ। 6 जून 2025 गी इस रेल सेवा दी शुरुआत होग। एह बैठक राजभवन श्रीनगर च लगगी। इस बैठक च मुख सचिव, डी.जी.पी, ए.डी.जी.पी, जम्मू दे डिविजनल कमिशनर, आई.जी.पी जम्मू ते सिविल ते पुलस प्रशासन दे अधिकारी शामिल होए। बैठक च उपराज्यपाल होरें बक्ख-बक्ख मामलें पर चर्चा कीती ते लोकें गी अपील कीत जे ओह एहदे च बदी चढ़ियै हिस्सा लैन ते इस कार्यक्रम गी यादगार बनान।

<><><><><><>

Dy. CM Resident Commission

उपमुख्यमंत्री सुरेंद्र चौधरी होंरें J&K Resident Commission नर्मिं दिल्ली च जायजा बैठक लाई। उनें इस दौरान जारी विकास कम्मै दा जायजा लैता। उनें महत्वपूर्ण ढांचागत परियोजनाएं जियां JK House Chanakyapuri, Amritsar च guest house ते जम्मू दे आधिकारिक आवासें गी नमें सिरेआ सोआरने आहले कम्मै दी प्रगति दा जायजा लैता। मैहकमे आसेआ कीते जा'रदे कम्मै दी सराहना करदे होई उनें सारे कम्में गी समेंसिर पूरा करने पर जोर पाया ते कम्मै दे म्यार गी बनाई रक्खने लेई बी आखेआ। चौधरी हारें जेएण्डके गेस्ट हाउस च खातर-तवज्जो आहली सेवाएं गी होर बेहतर करने पर जोर पाया। उनें उत्थुआं दे अमले गी आखेआ जे ओहू पूरी गर्मजोशी कन्नै सब्बनें गी सेवा उपलब्ध करोआन। जम्मू-कश्मीर इक सुरक्षित ते बड़ी गै शैल सनाहकड़ी थाहर ते सैलसफा दे लिहाज कन्नै एहू बी लोकें गी दस्सन ते इस गल्ला दे संदेशवाहक बनन।

<><><><><><>

Rajouri-JSJB

जम्मू-कश्मीर लेई बड़ी गै गर्व आहली गल्लू ऐ जे जिला राजौरी नै जल संचाय, जन भागीदारी अभियान दे उत्तर पूर्वी ते पहाड़ी जिलें दी श्रेणी च मुख्खें च दुआ थाहर हासल कीता ऐ। जल संचाय, जन भागीदारी, कैच दा रेन अभियान दा हिस्सा ऐ। केंद्री जल शक्ति मंत्री सी.आर पाटिल होंरें मंगलवार होने आहली राश्ट्री स्तर दी बैठक च राजौरी जिले दे जत्नें दी सराहना कीती। उनें आखेआ जे कई सारी कठिनाइयें दा सामना जियां के बन्ने पारा गोलाबारी होने दे बावजूद बी राजौरी जिले च 4 जहार 214 शा मते भूजल पुनर्भरण ते जल संरक्षण ढांचे गी जियो टैग कीता गेदा ऐ जेड़ा जिले दे जल संरक्षण बक्खी बचनबद्धता गी ते जल शक्ति अभियान दे हेठ समुदायें दे जतनें गी दर्शादा ऐ।

<><><><><><>

Rana-Meeting

जल शक्ति, जंगलात, जनजातीय मामलें ते पर्यावरण सरबन्धी मंत्री जावेद अहमद राणा होंरें पर्यावरण दी सुरक्षा आस्तै उच्च स्तर दी बैठक सददी। उनें पारिस्थितिक संवेदनशील क्षेत्रें च बरसात, वनीकरण आस्तै सामुदायिक भागीदारी उप्पर ते मिट्टी दे संरक्षण आस्तै इकजुट जत्नें उप्पर जोर भरेआ। उनें मुगल रोड दे कोल कश स्थाई सैलसफा उप्पर बी जोर पाया ते

सैलसफा दे अनुकूल पर्यावरण ते ट्रेकिंग मार्ग दे विकास आस्तै विभाग गी निर्देशित कीता। CAMPA दे वेतन चिरै आंदे न, इस गल्ला गी गंभीरता कन्नै लैता ते अधिकारिये गी निर्देश दित्ता जे एह वेतन अमले गी समेंसिर मिलै। मंत्री होरें सतत विकास समुदाय आसेआ संचालित संरक्षण ते क्षेत्र स्तर दे मुद्दे गी नबेड़ने आहली बक्खी सरकार दी बचनबद्धता दी बी पुष्टि कीती।

<><><><><><>

Prog. Announcement

आकाशवाणी जम्मू दा क्षेत्रीय समाचार एकांश पर्यावरण सरबंधी कुल संसारी ध्याड़े दे मौके पर 20एं मिनटें दी इक विशेष परिचर्चा प्रसारित करा'रदा ऐ। एह परिचर्चा 5 जून गी बड्ढलै साड्ढे 9 बजे प्रसारित होग। इस परिचर्चा च स्हाड़े परौहने होडन प्रो. यशपाल शर्मा डीन जीव विज्ञान विभाग, जम्मू यूनिवर्सिटी जिंदे कन्नै गल्लबात करडन स्हाड़े न्यूज एंकर श्रुति खजूरिया ते कुणाल श्रीवत्स। तुस एह कार्यक्रम स्हाड़े इस्सै चैनल पर Medium wave 990 Kilo hertz ते FM 100 इशारिया 3 Mega Hertz पर सुनी सकदे हो।

<><><><><><>

Bhaderwah-Cultural

सैलसफा मैहकमे आसेआ भद्रवाह सांस्कृतिक संध्या दा सरिस्ता अज्ज संझा 6 बजे थवां कीता जा'रदा ऐ। एहदे लेई सारियां तैयारियां करी लैती गेदियां न। एहदे च मकामी कला, संस्कृति ते विरासत दे कन्नो-कन्नी संगीत, हास्य कला वगैरा दा बी नन्द ठोआने दा मौका थहोग। एहदे च मकामी ते राष्ट्रीय सतह दे कलाकार हिस्सा लैडन। मकामी लोकें ते सैलानिएं गी इस उत्सव ते भद्रवाह दी शैल सनाहकड़ी थाहरें पर आइए ओहदी खूबसूरती दा नन्द ठोआने लेई साद्दा दित्ता गेआ ऐ।

<><><><><><>

Public Park Ramban

सैलसफा गी बढावा देने लेई बनिहाल खिते दे जंगलात विभाग नै रेंज अधिकारी रसीक वाहिद हुंदे नेतृत्व च रामबन दी डोबा घाटी च नगर वन डोबा जेड़ा इक्क सार्वजनिक र्पा ऐ, उसी विकसित कीता। इस पार्क च टायलेट सुविधा, जिम ते बच्चें आस्तै खेड्ढनें लेई जगह बनाई

गेई। मकामी लोकेँ विभाग दी इस पार्क गी विकसित करने लेई सराहना कीती ते गलाया जे सैलसफा दे अनुकूल पर्यावरण आस्तै इस पार्क दा विकास बड़ा गै जरूरी हा। उनेँ जंगलात विभाग दे जत्नेँ दी डोबा गी सैलसफा अनुकूल बनाने लेई सराहना कीती। इस पहलकदमी दी सराहना करदे होई उत्थूं दे मकामी लोकेँ आखेआ।

<><><><><><>

DC-Jammu Amarnath

जम्मू दे डिप्टी कमिशनर सचिन कुमार वैश्य होरेँ उच्च सतह दी बैठक लाइयै श्री अमरनाथ जातरा दी तैयारिएं दा जायजा लैता। उनेँ भगवती नगर आहले जातरी निवास च कीते गेदे इंतजाम दा जायजा लैता। बैठक च एसएसपी जोगिंद्र सिंह ते JMC दे कमिशनर डॉ. देवांश यादव होरेँ हिस्सा लैता। इस दौरान एक्स-रे स्कैनर लाने, जांच आहले नाके, सुरक्षा सरबन्धी चौकियां कायम करने बारै चर्चा होई। डी.सी होरेँ सुरक्षा गी बदाने लेई आखेआ। उनेँ बिजली मैहकमे गी हिदायत कीती जे ओह बिजली दी बेहतर बवस्था करन। उनेँ टिकट काउंटर ते सेहत केंद्र दी तैयारिएं दा बी निरीक्षण कीता। अग्निशमन मैहकमे गी आखेआ गेआ जे ओह अग्ग स्थालने बारै अजमैश दे तौर पर ड्रिल करन। मगरा डीसी होरेँ यात्री निवास दा दौरा लाया।

<><><><><><>

Food Safety

बजारें च घटिया मास ते बाकी खाने आहली चीजां बेचे जाने दी शकैतेँ दे चलदे पुंछ दे बजारें च खाद्य सुरक्षा ते कनूनी माप विज्ञान मैहकमे दे अधिकारियेँ छापा मारेआ। खाद्य सुरक्षा विभाग दे असिस्टेंट कमिशनर तारिक महमूद ते कनूनी माप विज्ञान दे असिस्टेंट कंट्रोलर पुशकर राज हुंदी निगरानी हेठ विभाग दी टीमें पुंछ दे बजारें च बक्ख-बक्ख दुकानेँपर छापेमारी कीती। कई सारी दुकानेँ च घट्ट गुणवत्ता आहलियां चीजां बेचियां जा'रदियां हियां, जेड़ी FSSAI दे दिशा-निर्देशेँ दे खिलाफ ऐ। टीम नै उस्सै बेल्लै उनेँ घटिया चीजेँ गी जब्त कीता ते दुकानदारें गी जुर्माना कीता। जांच आस्तै तकरीबन 10 नमूने लैते गे। आकाशवाणी कन्नै गल्ल करदे होई खाद्य सुरक्षा विभाग दे असिस्टेंट कमिशनर तारिक महमूद होरेँ आखेआ।

<><><><><><>

IPL-Cricket

आईपीएल क्रिकेट च जंदी रातीं अहमदबाद दे नरेन्द्र मोदी स्टेडियम च होए दे मैच रॉयल चैलेंजर्स बेंगलुरु नै पंजाब किंग्स गी हराइयै पैहली बारी एह् खिताब जिती लैता ऐ। इस उपलब्धि पर खुशी जतांदे होई रॉयल चैलेंजर्स बेंगलुरु दे कप्तान रजत पाटीदार होरें आखेआ जे विराट कोहली ते उंटी टीम दे सब्भै समर्थकें लेई एह् जित्त बड़ी खास ऐ। मैच दे मगरा इक इंटरव्यु दरान विराट कोहली होरें आखेआ जे उंनेंगी आई.पी.एल. दा खिताब जित्तने पर बड़ी मती खुशी ऐ।

<><><><><><>